

Бяше бо видети дотолє град Ярославль велик и чуден, и многонароден, и цвѣтаешя всеми потребными и изобилуя довольством. Изряднейшее же и первое се, еже похвалу в себе имея — святых телеса многоцелебная, в церковных недрах опочивание имущих телесне. Аще бо и душами святии они божии угодницы в небесных скиниях пребывают, но телесем их изволи крайнешая благодать ту в нетлении почивати. Овым убо во граде, а овым во общежительной лавре до дне и часа, его же весть един седяи в вышних.

Но в лепоту паки на плачевную повесть возвратитись. И сих убо светилников, выну горящих на свещнице в дому божи, в той день ^о в онь же излияся пелын божиа суда,² град той лишишь. || Ох, и увы, вси взываху. сугубую печаль имуще, аки лишившимся такового дара божиа! Ибо в той час светило небесное солнце мрачным сиянием на землю сияше, согрешенна наша яве пред лице нам представляяи. О неиспытанных судѣб твоих, Христе царю, сыне преблагословеннаго бога! Кто доволен разумети и нас научити — толь велие твое на нас праведное всяко за грехи наша поущение, паче же кто доволен мольбою утолити — толь велие твое на нас праведное негодование, о нем же прогневаем, неисчетное с нас, неблагодарных, твое человеколюбие же и милость, преступлением спасительных твоих заповедей. О, како святии угодницы божи, благовернии князи, не подвигоша владычицу богородицу и всех святых умолити о граде своем и уставити таковой суд гнева господня ей можаху! Но они убо аще и молят, но не противятся судьбам господним, яко иным ничим же очис||титися можаше таковой грех, точию огнем, зане согреша от главы и до ногу, си речь от больших и до меньших, от сего яве есь, яко вся благая святых церквей и честных монастырей составления и ина вся, яже богу освящаем, сия приемлет нашего ради освящения. Аще ли мы согрешаем ему и наших ради грехов, и та святая презирует и в попроание предает. Яко же и ныне видимо бяше всем благочестивым умиленно и слезам достойно видение, яко же виноград пуст и в попроание оставлен, или яко же сад оцепенел мразом зимы лютыя, или яко же вдова совлечесь риз светлых и облачесь в ризы сетованныя! В мале бо часе изменися, егда погоре, не бяше бо видети в нем иного ничесо же, но токмо дым и земля и садовия изгоревша, и трупия мертвых лежаща, и церквей святых и престолов в приделах много погоре, а каменные стояху выгореша вну||три и огореша вне. И несть видети в них пеня, ни звонения, велицый бо колоколы и малии разлишася у многих церквей, многим же от братии и служебников згоревшим во обители боголепнаго Преображения господня.

Праведен еси господи и прави суди твои ^а по божественому и покланяемому слову,^б яко наказания ради и обращения нашего, ни же самех святых твоих и покланяемых щадяи храмов и образов твоих и пречистыя ти матере и всех святых твоих, но и сия вся или безбожных варвар рукама разоряеш или огнем вытребляеш до конца, образом сим сказую нам нечувственным нестерпимо твое праведное негодование иже на нас, да познаем себе самех и прегрешении наших и познавше покаемся тебе достойно беззаконием нашим. Еи, господи боже, буди нам, познавшим прегрешения наша каятися, тебе от всея души со всяким смиренномудрием и праведными дель и щедротами убогих. ||

* Нравоучение, яко вся скорбная находящая на ны должны есмы со благодарением претерпевати.^в Но понеже человеческое естество сице жестоко к наказанию и биемо забывает, а не яко же малолетнии от троицы

^{б-2} Эти слова заключены в квадратные киноарные скобки. ^{а-с} Эти слова заключены в квадратные киноарные скобки. ^{ж-з} Написано киноарью.